



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepisc. Et Decano Senonen.

urn:nbn:de:hbz:466:1-20006

DECANO ET CAPITULO
Pistaven.

Epist. 492.
Ejusdem argu-
menti cum præ-
cedentibus.

Cum sedes apostolica &c. ut supra
ferè in eundem modum usque ad ver-
bum facultatem. Ideoque universitati
vestræ per apostolica scripta mandamus
atque præcipimus quatenus eidem Epif-
copo tanquam Prælato & pastori ani-
marum vestrarum debitam obedientiam
& reverentiam impendatis; ut cum ipse
in vobis filialem devotionem invenie-
rit, benignus vobis & mansuetus existat,
& vos & Ecclesiam vestram paterno be-
nignius amplectetur affectu. Datum ut
suprà.

ABBATIBVS, ET PRIORIBVS,
Prepositis, & aliis Ecclesiarum Prælati,
& universis Clericis Pistaven. Ecclesie
diocesana lege subiectis.

Epist. 493.
Episcopo suo
obtemperant.

Cum sedes apostolica &c. ut supra
ferè in eundem modum usque ad ver-
bum facultatem. Cum itaque prædicto
Episcopo vestro debeatis tanquam mem-
bra capiti coherere, & ipsius salubribus
monitis & mandatis devotè ac humiliter
obedire, universitati vestræ per aposto-
lica scripta mandamus atque præcipimus
quatenus ei cum devotione obedientiam
& reverentiam impendatis, & de ratio-
nibus episcopalibus curetis plenariè re-
spondere, sicque ipsi ad relevanda onera
debitorum, quibus Pistaven. Ecclesia,
sicut dicitur, prægravatur, grata subven-
tionis auxilia ministratis, quod ipse vos
tanquam bonos filios habeat semper in
visceribus caritatis, & vestris valeat uti-
litatibus imminere. Datum ut supra.

NARBONEN. ARCHIEPISCOPO,
& fratri Rainerio.

Epist. 494.
Episcopi Car-
cassonensis re-
signationem
approbat.

Hanc inter corporalia & spiritualia
constat existere differèntiam, quod
corporalia faciliùs destruuntur, quàm
construantur; è contrario verò spiritua-
lia faciliùs construuntur, quàm destruan-
tur. Vnde juxta canonicas sanctiones
Episcopus solus dare honorem potest,
solus autem non potest auferre. Ex parte
siquidem venerabilis fratris nostri Car-
cassonen. Episcopi fuit in audientia no-
stra propositum, quod in suis adeo pro-
cessit diebus, & propter senium vigor na-
turalis in ipso defecit, quod omnino est
inutilis & insufficientis ad portandam
curam Carcassonen. Ecclesie, immo

ejus administratio (sicut proponitur)
animabus sibi commissis perniciosa est
potiùs & damnosa; præsertim cum non
solum in temporalibus, immo etiam in
spiritualibus, Ecclesia suæ curæ com-
missa cum ceteris diocesanis tantum la-
psum incurrerit, quod humani generis
inimicus ferè universorum corda iniqui-
tatis gladio penetravit, ut eos secum
in ignem perpetuæ gehennæ retrudat,
& in tantum in ea diocesi virus prævari-
cationis hæreticæ penetravit, quod di-
versas & inauditas sectas ministri diabo-
licæ fraudis ibidem adveniunt, & pu-
blicè profitentur, & populum qui sibi
credat habent; ita ut vox eorum angeli-
ca reputetur, nec sit inter eos qui ab orè
ministri verbum affectet quin immo non
dedignetur evangelicæ prædicationis
audire. Propter quod idem Episcopus
suam insufficientiam recognoscens, à no-
bis humiliter postulavit ut ei cedendi
licentiam præberemus. Nos igitur tam
super lapsu Ecclesie, quàm interitu ani-
marum, quæ per incuriam pastoris in la-
queum damnationis incidisse credun-
tur, pio condolentes affectu, & volen-
tes super hoc congruæ provisionis reme-
dium adhiberi, discretionis vestræ per
apostolica scripta mandamus quatenus
si præfatum Episcopum propter im-
pedimentum cordis vel corporis insuf-
ficientem esse noveritis ad gerendam
solicitudinem pastorem, vos auctori-
tate nostra cessionem ejus admittere mi-
nimè postponatis; & ea liberè ac sine
pravitate recepta, Canonicis Ecclesie
Carcassonen. tribuatis licentiam ido-
neum Episcopum eligendi, qui opere
ac sermone fidei prævaricatores ad fi-
dei revocet unitatem, & eradicato pe-
nitens zizaniorum germine, frumentum
cum multiplicato fructu faciat inspiran-
te divina clementia pullulare. Vobis au-
tem in virtute obedientie districtè præ-
cipimus ut per vos ipsos & quoscunque
alios ad præfatos hæreticos de Narbo-
nen. provincia penitus excludendos om-
ne studium & operam, quam poteritis,
tribuatis. Datum Laterani X. Kalend.
Januarij.

ARCHIEPISC. ET DECANO
Senonen.

Prestatis apostolicæ plenitudo lon-
gè latèque diffusa, licet ubique
præsens potentialiter habeatur, tamen

Epist. 495.
Vt Ecclesiam
S. Martini Tu-
roensis ab in-
jurijs defendat.

quia ea quæ ad tantum officium pertinent, per se, prout singulis expediret, non valet præsentialiter exercere, tam vos quam alios ministros Ecclesiarum in partem sollicitudinis advocavit, ut sic tanti onus officij per subsidiarias actiones commodius supportetur. Inde est quòd cum Ecclesia beati Martini Turo-nen. nostra filia specialis existat, nec ei possumus in quibuslibet necessitatibus suis præsentialiter, prout tenemur, adesse, nos ministerium nostrum, quod eidem impendi non potest, vestræ sollicitudini committentes, discretioni vestræ per apostolica scripta mandamus quatenus dilectis filiis Canonicis ipsius Ecclesie, quoties ad vos pro irrogatis sibi injuriis duxerint recurrendum, de malefactoribus suis constitutis in terra carif. in Christo filij P. illustris Regis Francie, appellatione remota, nullatenus differatis justitie plenitudinem exhibere, ad id liberius faciendum, quemadmodum videritis expedire, monitione præmissa rigorem ecclesiasticum, prout justum fuerit, adhibentes. Datum ut supra.

Scriptum est in eundem modum Episcopo & Decano Pictaven.

*PICTAVEN. ET CENOMANEN-
Episcopis, & Abbati de Fontana.*

*Epist. 496.
Ejusdem argu-
menti.*

Prestatis apostolicæ &c. ut supra usque ad verbum committentes, fraternitati vestræ per apostolica scripta mandamus quatenus ad eandem Ecclesiam accedentes, ea quæ tam in vestimentis Canonicorum inordinatis quam divinis obsequiis, meditationibus, & firmis tempore residentie faciendæ, & aliis tam spiritualibus quam temporalibus videritis corrigenda, cum consilio eorum quos in ipsa Ecclesia maturioris & sanioris consilij esse noveritis, auctoritate apostolica sublato contradictionis & appellationis obstaculo, Deum solum habentes præ oculis, corrigentes, eos quos vestris institutionibus contrarios inveneritis aut rebelles, per censuram ecclesiasticam appellatione postposita compe-scat; ita in hoc provisione sollicita procedentes, quòd studium vestrum apud Deum & homines multipliciter appareat commendandum. Quòd si omnes &c. duo vestrum &c. Datum ut supra.

CONVENTRENSI EPISCOPO.

Vitium simoniacæ pravitatis quantum Deo sit odiosum, & quanta ex eo sequatur pernicietas animarum, fraternitatem tuam credimus non latere. Inde est quòd cum, sicut audivimus, plures Clerici de tua diocesi sua sint beneficia simoniacè assecuti, ita quòd ex hoc magnum scandalum in populo generetur, tibi præsentium auctoritate duximus injungendum ut illis qui legitime convinci poterint ecclesiastica beneficia taliter obtinere, a motis, tibi ea liceat, appellatione remota, personis idoneis assignare; alios verò qui canonicè convinci non poterint, si fama publica noveris laborare, ad purgationem canonicam subl. appellationis diffugio nostra possis auctoritate compellere, ne scandalum in populo generetur. Vellemus autem quòd circa primordia promotionis tuæ majorem nobis & Ecclesie Romanæ reverentiam impendisses, Datum Laterani.

*LITERÆ GUIDONIS
Comitis Alvernie ad Dominum
Papam.*

Domino Innocentio divina bonitate sanctæ Romanæ Ecclesie Summo & universali Episcoporum Episcopo Guido Comes Alvernie salutem cum omni reverentia, & hominij fidelitatem debitam. A parentum meorum fide non degenerare laborās, qui quoddam suum proprium castellum nomine * Vteo, Deo & sanctis Apostolis & Ecclesie sanctæ Romanæ sibi quæ præsentibus Domino Alexandro Papæ videlicet & successoribus suis delegarunt, aliud non minus præcipuum castrum à me noviter ædificatum, & meo nomine nominatum, præfata sanctæ Rom. Ecclesie dono & concedo, aurique unciam pro mea recentem mutatione transmittito. Vestram itaque protectionem & defensionem super fratrem meum R. Claromonten. Episcopum exorare, sicut videtur, decrevi: quoniam idem frater meus præfatus Episcopus, conjunctis & adunatis sibi Coterellorum & Basclorum ruptis diversis, in præjudicium sui ordinis & prævaricationem totius juris, terram meam incendiis, homicidiis, & rapinis, & quibuscunque potest malitiis devastat. Vestræ

*Epist. 497.
De prece simo-
niacorum.*

*Epist. 498.
Romane Ecclie
sive castrum do-
nat, fratrisque
sui casus co-
mendar. Pon-
fici.*

** Leg. Bullon,
ut mones in la-
lus in Privat.
Historia Domus
Turrianæ pag.
40. Vide etiam
pag. 36. in not.
ad Collectaneas
legitur Vico.*